

eidem ecclesiae indulta sunt, salvo in omnibus iure imperiali. Haec itaque inviolabiliter omni tempore conservari volentes praecipiendo statuimus, ut nullus episcopus, dux, marchio, comes, vicecomes, nulla denique magna parvave persona huius confirmationis nostrae tenorem infringere audeat nec in praenominatis rebus ipsam ecclesiam disvestire, molestare aut inquietare praesumat. Si quis vero contra hoc, quod non credimus, praesumpserit, centum libras auri, medietatem camerae nostrae et medietatem praefatae componat ecclesiae. Quod ut verius credatur et ab omnibus diligentius custodiatur, praesentem inde cartam sigilli nostri impressione insigniri iussimus.

Signum domini Lotharii tertii Romanorum imperatoris invictissimi.

Ego Ekkehardus^a vice Henrici^b archicancellarii recognovi.

Datum anno incarnationis dominicae 1137, indictione prima, anno vero regni regis Lotharii^c 13, imperii quinto. Actum apud Rivollam in Christi nomine, feliciter, amen.

Friedrich I. wiederholt dem Kloster die Urkunde Lothars III. vom November 1137.

1158 November 26, Roncaglia.

In nomine sanctae et individuae trinitatis. Federicus divina favente clementia Romanorum imperator augustus.

Cum nullus deesse debeat ecclesiis, imperialis munificentia praecipue eas amplecti debet, quae ecclesiasticae disciplinae tenent rigorem. Quocirca omnium fidelium nostrorum noverit industria, qualiter nos divinae mercedis intuitu monasterium sancti Thomae^d apostoli de Aquanigra cum omnibus pertinentiis ipsius, mobilibus et immobilibus, quae vel nunc habet vel in futuro habiturum est, in nostrae confirmationis tuitionem suscipimus^d. Nos itaque privilegii nostri auctoritate omnes res ipsius^e comprehendendo, confirmamus ei capellas, quas habet ex concessione domini papae Innocentii et decimas omnium reddituum et praediorum dominicatorum, quae eidem oblata sunt quolibet modo, idque facimus cum omni iure et potestate ac iurisdictione, quam habuerunt ipsi, qui obtulerunt. Insuper confirmamus ipsi omnia ea, quae in privilegio domini papae eidem ecclesiae indulta sunt, salvo in omnibus iure imperiali. Haec itaque inviolabiliter omni tempore conservari volentes praecipiendo statuimus, ut nullus episcopus, dux, marchio, comes, vicecomes, nulla denique magna parvave persona huius confirmationis nostrae tenorem infringere audeat nec in praenominatis rebus ipsam ecclesiam disvestire, molestare aut inquietare praesumat. Si quis vero contra hoc, quod non credimus, praesumpserit^e, centum libras auri componat, medietatem camerae nostrae et medietatem praefatae ecclesiae. Quod ut verius cre-

a) Alchardus. b) Inrici. c) Lotharii. d) Thomae etc. ut in superiore usque ad: tuitionem suscipimus. e) ipsius etc., centum.